

Relaciona cu asunto di permit y tereno

Despues di Carnaval lo bay tin suplica publico na Packman

ORANJESTAD (AAN) Tin hende cu simplemente no sa mas kico pa haci pa yega na remarke pa haya cierto permitnan y tambe pa haya tereno di gobierno pasobra e famoso reorganizacion di Domein Beheer no a duna fruta pa hopi hende cu keto bay ta pendiente pa haya tereno y cierto permitnan.

Comerciantenan local no ta haya tereno asina lihe of facil manera cierto otro hendenan local y di exterior si ta haya den un frega di wowo.

Esnan cu bin cu cualkier idea pa lansa un proyecto na Aruba tin cu bay atende cu Mito y un tal Chaka Zi of Zulu y mester bay cumpli cu un monton di regla, stipulacion, exigencia, un supuesto ruimtelijke ordening cu no ta ni existi ainda na Aruba y un lista largo di obligacionnan cu no ta aplicable pa cierto hendenan di exterior y algun hende na Aruba cu con cu bin, con cu bay lo ta hayando tur loke nan pidi na permit pa tereno y otro permitnan.

For di pueblo y tambe for di seno politico y aparentemente di te hasta ambtenaarnan disgusta mes informacion ta sali riba caya cu tin un tal Packman cu ta haci milager cu tereno y otro permitnan.

Esnan cu a purba di cana e caminda oficial y a bin ripara cu bo mester bay lembe ministro y su coordinadornan pa bo por haya algo cu no ta un favor, pero ta un derecho cu cada Arubiano tin pa haya

un tereno sea pa traha cas of pa negoshi, a duna di conoce cu despues di carnaval no ta bay keda nada otro cu manda suplica publico pa ayudo di Packman.

Tin hende cu keto bay ta pendiente pa haya djis un contesta di un NO grandi di ministro y su famoso coordinadornan, pa terenonan cu a worde pidi pa haci proyecto, pero ni e decencia ey nan no tin.

Gobierno ta gaba cada biaha cu nan ta bay desaroya e area di San Nicolas pa turismo, pero ni peticionnan pa proyectonan pabao di Brug cu keto bay ta pega nan no por atende y den e area turistico ta companianan di exterior so ta sigui haya tur loke nan kier y te hasta riba beach cabaña y tur sorto di construccion ta worde permiti pero no pa nos yiunan di tera.

Wak kico a pasa cu meneer Saus cu un batayon di polis y coordinadornan a worde poni den accion pa kibra su

negoshi di watersport y ni un tent di lona e no por a pone riba beach, siendo cu dia pa dia riba santo blanco tur sorto

di construccion ta worde lanta y ta tapa e bista di nos beachnan; esey ta resultado y frutanan di reorganizacion di

Domein Beheer? No pa Arubianonan!

Keda pendiente pa e suplica na Packman.

Vuelonan di Bonairexel a re-anuda te Diahuebs atardi 3'or

ORANJESTAD (AAN): E idea original di BonairExel tabata pa re-anuda vuelonan back Diahuebs merdia 12'or.

Pero esey no a logra. Finalmente vocero di e aerolinea a divulga, cu nan a start y continua nan vuelonan back te Diahuebs atardi 3'or. Esaki tabata sea parcialmente of den combinacion cu avionnan di charter.

E vuelo pa y for di St. Maarten lamentablemente no por a tuma lugar Diahuebs atardi mas. Pero awe

Diabierna mainta BonairExel ta spera di por continua cu tur su avionnan saliendo for di Bonaire, Curaçao, Aruba, y St. Maarten.

Vocero di e compania a bisa cu BonairExel ta haciendo tur esfuerzo pa normaliza e situacion di su vuelonan y lo sigui informa pueblo via di DIARIO.

Aunke originalmente a bisa cu no a keda cla cu asunto legal di Lease, un informe procedente di St. Maarten ta

divulga cu ta debi cu nan no a paga Aseguro, pesey autoridad Antiyano di Aviacion Civil a stop nan di bula. E tres avionnan tipo ATR aparentemente tin asegurado cu a caduca. Pues, bo no por bula cu avionnan riba cual no tin asegurado.

Centenares di pasahero cu a keda pega, a worde yuda tog cu vuelonan charter. Varios di nan tabata di St. Maarten, kendenan mester a viaha pa Aruba como tambe Curaçao pa ricibi trato medico aki.

SETAR TA DIBO TAMBE!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

